

植物名實圖考長編

三十

植物名實圖考長編卷之十七

固始吳其濬著

蒙自陸應穀校刊

果類

枳椇

赤爪實

即山查

榭若

橡栗

菴摩勒

阿月渾

鈎栗

楮

麩楮

無漏子

即海棗

都角子

石都念子

君遷子

軟棗

韶子

榛子

林檎

文林郎

楹棹

胡桃

榛

菴羅果

乳柑子

附韓彥直橘錄

橙

荔枝

附蔡襄荔枝譜

宋珣荔枝譜

曹蕃荔枝譜

徐燠荔枝譜

鄧道協荔枝譜

吳載鼇記荔枝

枳椇

陸璣詩疏南山有枸椇樹山木其狀如櫨一名枸骨高大如白楊所在山中皆有理白可爲函板枝柯不直子著枝端大如指長數寸噉之甘美如飴八九月熟江南特美今官園種之謂之本蜜古語云枳椇來巢言其味甘故飛鳥慕而巢之本從南方來能令酒味薄若以爲屋柱則一屋之酒皆薄廣要宋玉賦曰枳椇來巢謂椇木多枝而曲所以來巢也本草枳椇一名木蜜以木爲屋屋中酒則味薄註云昔有南人修舍用此木悞有一片落在酒甕中其酒化爲水味唐本註云其樹徑尺木名白石

葉如桑柘其子作房似珊瑚核在其端埤雅云棋木高大似白
楊子依房生著枝端大如指長數寸噉之甘味如飴今俗謂之
枰棋古今注一名樹蜜一名木飴實形卷曲核在實外一名白
石白實木石木實爾雅翼古者人君燕食所加庶羞凡三十一
物棋其一也又婦人之贄棋榛棗栗荆楚之俗亦鹽藏苜裹以
爲冬儲今不以爲重賤者食之而已明堂位四代之俎商以棋
蓋俎足橫木爲曲橈之形如枳棋之枝也今人謂之枰枸又謂
之蜜曲錄荀子枸木必待隳括烝矯然後直廣志云葉似蒲柳
子十一月熟樹乾者益美或云果名一名白石李通志枳棋蜀

人謂之枸詩緝云疏引宋玉賦枳棋來巢以證毛說然風賦字作枳句李善註云橘踰淮爲枳句曲也句音溝非毛義也

唐本草枳棋味甘平無毒主頭風小腹拘急一名木密其木皮溫無毒主痔和五臟以木爲屋屋中酒釀味薄此亦奇物注其樹徑尺木名白石葉如桑柘其子作房似珊瑚核在其端人皆食之

荆楚歲時記禮有棋羞廣雅枳棋實如珊瑚十一月採是白石木子山中多有之鹽藏荷裹冬儲備以辟蟲毒

小雅南山有枸傳枸枳枸大全本草曰木蜜生南方枝葉皆可

噉亦可煎食如飴其子一名枳枸味如蜜以木作屋則屋中酒
味薄朱子曰枳枸子建陽謂之背洪子俗謂之癩漢指頭吾鄉
呼爲兼穹味甘而解酒毒人家左右前後有此木則醞酒不成
曲禮婦人之摯棋榛脯修棗栗註棋枳也有實今邳鄒之東食
之疏卽今之白石李也形如珊瑚味甜美

古今注枳椇子一名樹蜜一名木枳實形拳曲核在實外味甜
美如飴蜜一名白石一名木枳椇

齊民要術廣志曰枳椇葉似蒲柳子似珊瑚其味如蜜十月熟
樹乾者美出南方邳鄒枳椇大如指

本草綱目李時珍曰枳椇本草止言木能敗酒而丹溪朱氏治酒病往往用其實其功當亦同也按蘇東坡集云眉山揭穎臣病消渴日飲水數斗飯亦倍常小便頻數服消渴藥逾年疾日甚自度必死予令延蜀醫張肱診之笑曰君幾誤死乃取麝香當門子以酒濡濕作十許丸用棘枸子煎湯吞之遂愈問其故肱曰消渴消中皆脾弱腎敗土不制水而成疾今穎臣脾脈極熱而腎氣不衰當由果實酒物過度積熱在脾所以食多而飲水水飲既多溺不得不多非消非渴也麝香能制酒果花木棘枸亦勝酒屋外有此木屋內釀酒多不佳故以此二物爲藥以

去其酒果之毒也棘枸實如雞距故俗謂之雞距亦曰癩漢指頭食之如牛乳本草名枳椇小兒喜食之吁古人重格物若肱蓋得此理矣醫云乎哉

說文解字注積椇 迥 二字各本無今補多小意而止也小意者

意有未暢也謂有所妨礙含意未伸廣韻積椇皆訓曲枝果按積椇字或作枳椇或作枳枸或作枳句或作枝拘皆上字在十六部下字在四部皆詰詘不得伸之意明堂位俎殷以棋注棋之言枳椇也謂曲撓之也莊子山木篇騰蹇得柘棘枳椇之間處勢不便未足以逞其能宋玉風賦枳句來巢空穴來風枳句

空穴皆連綿字空穴卽孔穴枳句來巢陸璣詩疏作句曲來巢
謂樹枝屈曲之處鳥用爲巢逸莊子作桐乳致巢乃譌字耳淮
南書龍夭矯燕枝拘亦屈曲盤旋之意其入聲則爲迟曲積與
枳枝迟椒與棋句枸拘曲皆疊韻也積椒與迟曲皆雙聲字也
急就篇沽酒釀醪稽極程王伯厚云稽極當作積椒蓋曲曲爲
酒經程寓止酒之義又按釋地枳首蛇枳本或作積此則借積
枳爲歧字亦同部假借也故郭釋以歧頭蛇从禾从支支者枝
格之意只聲職雉切按古音在十六部亦音支一曰木也一說
積是木名也椒積椒也上篆下釋積椒之義此祇云積椒也全

書之例如此从木从又句聲俱羽切古音在四部讀如苟亦如
句又者从丑省說从又之意丑紐也紐者不伸之意一曰木名

赤爪實 卽山查

唐本草赤爪木味苦寒無毒主水痢頭風身癢生平陸所在有之實味酸冷無毒汁服主水痢沐頭及洗身上瘡痒一名羊棣一名鼠查注小樹高五六尺葉似香薷子似虎掌爪木如小林檜赤色出山南申安隨等州

本草拾遺陶注於松條中鼠查一名羊棣卽赤爪也煮汁洗漆瘡効爾雅云櫟其實棣有棣彙自裹其子房生爲棣又赤爪木一名羊棣一名鼠查棣此乃名同耳棣似小查而赤人食之生高原

本草綱目赤爪棠椴山楮一物也古方罕用故唐本雖有赤爪後人不知卽此也自丹溪朱氏始著山楮之功而後遂爲要藥其類有二種皆生山中一種小者山人呼爲棠椴子茅楮猴楮可入藥用樹高數尺葉有五尖極間有刺三日開五出小白花實有赤黃二色肥者如小林檣小者如指頭九月乃熟小兒採而賣之閩人取熟者去皮核搗和糖蜜作爲楮糕以充果物其核狀如牽牛子黑色甚堅一種大者山人呼爲羊桃子樹高丈餘花葉皆同但實稍大而色黃綠皮澀肉虛爲異爾初甚酸澀經霜乃可食功應相同而采藥者不收

榭若

唐本草榭若味甘苦平無毒主痔止血療血痢止渴取葉炙用之皮味苦水煎濃汁除蠱及瘦俗用甚效

圖經榭若本經不載所出州土今處處山林多有之木高丈餘若卽葉也與櫟相類亦有斗但小不中用耳不拘時採其皮葉并用葛洪洗諸敗爛瘡乳瘡並用此皮切三升水一斗煮五升春夏冷用秋冬溫用洗瘡洗畢乃傅諸膏謂之赤龍皮湯又治毒攻下部生瘡者榭皮合櫟煮粥如飴糖以導之千金方云療蠱毒以榭木北陰白皮一大握長五寸以水三升煮取一升空

腹分服卽吐蠱出也

爾雅榦樸心註榦榦別名疏樸榦一名心某氏曰樸榦榦榦也
有心能溼江河間以作柱是樸榦爲木名也故郭云榦榦別名
詩召南野有死麕云林有樸榦此作榦樸文雖別其實一也或
者傳寫誤

唐會要貞觀十三年野蠶食榦葉成繭大如柰

說文解字注榦樸榦小木也樸當作樸樸樸正俗字也各本無
小字今依五音韻譜韻彙集韻類篇補召南林有樸榦毛曰樸
榦小木也釋木云榦樸心榦樸卽詩之樸榦俗書立心多同小

又艸書心似小毛傳說文當本作心木譌爲小木耳詩正義云
某氏曰樸欒斛欒也有心能溼江河間以作柱孫炎曰樸欒一
名心據此及許立文之次第知樸欒乃木名非凡小木之偁也
斛俗作榘榘欒欒之類樸爾雅音義作樸廣韻曰柶木名其心
黃柶卽爾雅心字从木欒聲桑屋切三部

